


Qamutit mootorillit nalunaarsukkat

Ukiut 50-ingajaat ingerlaneranni biilit inunnut angallatit quleriaatit sinnerlugit amerlisimapput, nioqqutissanik allanillu angallassitutit lastbiilillu marloriaatit sinnerlugit amerlisut

Tamanna Kalaallit Nunaanni Naatsorsueqqissaartarfiup saqqummersitaani ”2014-p aallartinnerani qamutit mootorillit nalunaarsukkat” pillugit tamanut nalunaarusiaani saqqummerpoq. Saqqummersitaq Naatsorsueqqissaartarfiup nittartagaani www.stat.gl-mi atuarneqarsinnaavoq pdf-fiilitul-luunniit aaneqarsinnaalluni.

Ukiut 50-it qaangiuttut, tassa 1965-1966-illu nikiffiaannut ukiut 2013-2014-it nikiffiaannut sanilliullugu biilit inunnut angallatit quleriaatit sinnerlugit amerlanerit nunatta aqqusernini ingerlaalersimapput. Biilit inunnut angallatit 4.000-it pal-lippaat. Tassalu 2014-ip jannuaarip aallaqqaataani biilit inunnut angallatit 3.958-it nalunaarsorneqarsimapput. Nioqqutissanik allanillu angallassitutit lastbiilillu ullumikkut 1.339-nik amerlassuseqalerput. Tassalu 1. jannuaari 1966-mut sanilliul-lugu marluriaat sinnerlugu amerlanerullutik, malittuani titartagaq malillugu.

1. jannuaarimi biilit inunnut angallatit amerlassusaat



Najoqqutaq: Kalaallit Nunaanni motorilinnut nalunaarsuiffik.

Ukiuni 2013-2014 nikiffimmi qamutit mootorillit nummerpladillit 6.680-it nalunaarsorneqarsimapput. Taakkunani 803-it sanaartugassanut maskiinat, snescooterit, qamutit kalusiuttakkat ilaallu ilanngullugit 2013-mi peqqussut malillugu nalunaarsorsimasussat.

Qamutit nalunaarsorsimasussat nutaat 803-t pinngikkaanni, qamutit nummerpladilikkat 1. jannuaari 2014 ataatsimut 5.877-nik amerlatigipput. Amerlasusaat 1. jannuaari 2013-miit taamaallaat 0,3 pct.-mik qaffariarpoq, tamatumani mutoorillit nalunaarsorsimaffimmi qamutit mutoorillit 5.857-lutik.

Paasissutissat sukumiinerusut bank.stat.gl-mi Kisitsisaataasivimmi nassaarineqarsinnaapput.

Annertunerusumik paasisaqarnissat kissaatigigukku Naatsorsueqqissaartarfiup pisortaa Anders Blaabjerg oqarasuaat 34 57 81 (toqqaannartoq) atorlugu saaffigisinnaavat.

Inussiarnersumik inuulluaqqusillunga

Anders Blaabjerg,
Naatsorsueqqissaartarfiup pisortaa

Vil du i fremtiden have besked om ny statistik, som offentliggøres på Grønlands Statistiks hjemmeside, kan læse om vore tilbud på www.stat.gl/GSNews.

Eventuel henvendelse
Anders Blaabjerg
E-mail: abla@stat.gl
Telefon: (+299) 34 57 81

Grønlands Statistik
Postboks 1025 · 3900 Nuuk
Tlf.: 36 23 60 · Fax: 36 23 61
www.stat.gl · e-mail: stat@stat.gl

